

Դրամաշնորհային հաշվետվություն N_3_

1. Ընդհանուր տեղեկատվություն

Ծրագրի անվանում	«Տարեց և (կամ) հաշմանդամություն ունեցող անձանց տնային պայմաններում խնամքի ծառայություններ»
Դրամաշնորհի N	1032-11002/2025-ԱՎ
Դրամաշնորհատու կազմակերպություն	ՀՀ ԱՍՀՆ
Դրամաշնորհառու կազմակերպություն	«Արմավիրի զարգացման կենտրոն» ՀԿ
Ծրագրի իրականացման ժամանակահատված	01.01.2025-31.12.2025
Հաշվետու ժամանակահատված	01.07.2025-30.09.2025
Ներկայացման օր	07.10.2025
Հաշվետվության պատասխանատու (անուն, ազգանուն, պաշտոն)	Նաիրա Առաքելյան, ՀԿ Նախագահ

2. Բովանդակային հաշվետվություն

2.1 Խնդրում ենք թվարկել աշխատանքային պլանով և պայմանագրի թիվ 1 հավելվածով սահմանված միջոցառումների (այսուհետ՝ միջոցառում) շրջանակում կատարման ենթակա գործողությունները հաշվետու ժամանակահատվածի համար:

Ծրագրի հաշվետու ժամանակահատվածում իրականացվել են հետևյալ գործողությունները.

- **Շահառուների կարիքների գնահատում.** Հաշվետու ժամանակահատվածում իրականացվել է 2 շահառուների կարիքների գնահատում համապատասխան մեթոդաբանությամբ, որի արդյունքում ստացել ենք հստակ նկարագիր շահառուի կարիքների վերաբերյալ: Նրանք Արմավիր քաղաքի բնակիչներ են՝ տարեց և հաշմանդամություն ունեցող անձիք:
- **Անհատական սոցիալական ծրագրի մշակում.** Գնահատման արդյունքում սոցիալական աշխատողի գլխավորությամբ մասնագիտական թիմը մշակել է յուրաքանչյուր շահառուի անհատական սոցիալական ծրագիրը: Հաշվի առնելով յուրաքանչյուր շահառուի կարիքները, հնարավորություններն ու առանձնահատկությունները՝ ստեղծվել է հստակ գործողությունների պլան, որի հիման վրա կազմակերպվում և մատուցվում են համապատասխան սոցիալական ծառայություններ:
- **Շահառուների հետ պայմանագրերի կնքում.** Կարիքները գնահատված շահառուների հետ կնքվել են ծառայությունների մատուցման պայմանագիր, որը թույլ է տալիս ունենալ իրավական կարգավորում ծառայություն մատուցողի և ծառայություն ստացողի միջև:
- **Ամենօրյա խնամքի ծառայությունների մատուցում.** Ըստ շահառուների հետ կնքված պայմանագրի, ծառայությունների մատուցման ժամանակացույցի և անհատական սոցիալական ծրագրի՝ ծրագրի հաշվետու ժամանակահատվածում շահառուներին մատուցվել են խնամքի անհրաժեշտ ծառայություններ շահառուների տանը՝ կենցաղային սպասարկում, բժշկական օգնություն և սպասարկում, սոցիալական խորհրդատվության տրամադրում: Հաշվետու ժամանակահատվածում 2 շահառու տարեց մահացել է, այնուհետև ավելացել են նոր 2 շահառու:

Հաշվետու ժամանակահատվածում սոցիալական աշխատողը թիմի

աշխատակիցներին ծանոթացրեց նոր ընդունված տարեցների հետ: Ծանոթացրեց յուրաքանչյուր շահառուի հետ տարվող աշխատանքներին՝ մանրամասնորեն ներկայացնելով նրանց սոցիալական վիճակը, կարիքները և առանձնահատկությունները:

Սոցիալական աշխատողը հինգ շահառուի համար աջակցել է սոցիալական նպաստի տարեկան փաստագրական գործընթացում՝ անհրաժեշտ փաստաթղթերն ու դիմումները ներկայացնելով Արմավիրի միասնական սոցիալական ծառայություն (ՄՍԾ) ՏԿ:

Հաշվետու ժամանակահատվածում սոցիալական աշխատողը 7 շահառուի համար ներկայացրել է անհրաժեշտ փաստաթղթերը ՄՍԾ՝ եռամսյակային հրատապ օգնություն ստանալու նպատակով:

Սոցիալական աշխատողը աջակցել է երկու թոշակառուի թոշակի անկանխիկ վճարման եղանակի անցման գործընթացում և մեկ տարեց անձի՝ անկանխիկ վճարման եղանակից կանխիկ վճարման եղանակի անցման հարցում:

Մեկ տարեց անձի համար սոցիալական աշխատողը աջակցել է կենսաթոշակային քարտերի փոփոխման բանկային գործընթացներում:

Սոցիալական աշխատողը, համագործակցելով սոցիալական սպասարկողի հետ, աջակցել է երկու տարեց քաղաքացիների նոր անձնագրի և Ն/Ք քարտի ստացման գործընթացում: Աջակցությունը ներառել է անհրաժեշտ փաստաթղթերի հավաքագրումը, համապատասխան մարմիններ դիմելու կազմակերպումը, ինչպես նաև տարեցների ուղեկցումը ողջ ընթացքում՝ ապահովելով նրանց համար ծառայությունների մատչելիություն և գործընթացի արդյունավետ իրականացում:

Հաշվետու ժամանակահատվածում սոցիալական աշխատողը աջակցել է մեկ տարեց շահառուի ձեռնափայտի տրամադրման համար անհրաժեշտ աջակցության գործընթացում: Աջակցությունը ներառել է համապատասխան տեղեկությունների տրամադրում, դիմումի պատրաստման և ներկայացման կազմակերպում, ինչպես նաև գործընթացի վերահսկում՝ մինչև շահառուի կողմից աջակցության միջոցի ստացումը:

Սոցիալական աշխատողի միջնորդությամբ երկու տարեց անձի Կարմիր Խաչից տրամադրվել է սննդի և հիգիենայի փաթեթ:

Սոցիալական աշխատողը, բուժքրոջ աջակցությամբ, կազմակերպել է տարեց շահառուի հաշմանդամության հանձնաժողովին դիմելու գործընթացը: Աջակցությունը ներառել է անհրաժեշտ բժշկական փաստաթղթերի նախապատրաստումը, համապատասխան մարմին դիմելու կազմակերպումը և գործընթացի կոորդինացումը: Արդյունքում տարեց շահառուն միասնական սոցիալական ծառայությունում անցել է կրկնակի փորձագիտական քննություն և ստացել է համապատասխան հաշմանդամության կարգ:

Բուժքույրերի կողմից կազմակերպվել է բժշկի կոնսուլտացիա, լաբորատոր հետազոտություններ, սրտաբանի, անալիզների ընդունում, ինչպես նաև միջմկանային ներարկումներ և ներերակային ներարկումներ բժշկի ցուցումով:

Բուժքույրերը սոցիալական աշխատողի հետ միասին չորս տարեց անձի ուղեկցել են հիվանդանոց հետազոտման նպատակով: Կատարվել է լաբորատոր հետազոտություններ, ինչպես նաև նյարդաբանի, գինեկոլոգի, մաշկաբանի և տեղամասային բժշկի կոնսուլտացիաներ:

Հաշվետու ժամանակահատվածում սոցիալական աշխատողի և բուժքրոջ աջակցությամբ կազմակերպվել է տարեց շահառուների բժշկական ծառայությունների համալիր ապահովում: Երեք տարեցի ուղեկցել են Արմավիրի ԲԿ, որտեղ իրականացվել է լաբորատոր հետազոտություններ, ստացվել է սրտաբանի խորհրդատվություն և կատարվել է սրտի ուլտրաձայնային հետազոտություն: Հետագայում կազմակերպվել երկու տարեցի ուղեգրումը և ուղեկցումը «Բեստ Լայֆ» բժշկական կենտրոն, որտեղ անվճար իրականացվել է սրտի էխոկարդիոգրաֆիա և զոնդավորում: Ստացված արդյունքների հիման վրա մշակվել է շարունակական բուժման պլան, որը շարունակվել է տնային պայմաններում՝ բուժքրոջ անմիջական մասնակցությամբ:

Բացի այդ, մեկ շահառուի համար կազմակերպվել է թերապևտի և տրավմատոլոգի այցելություն պոլիկլինիկա՝ առողջական խնդիրների խորացված ուսումնասիրության և անհրաժեշտ խորհրդատվության համար: Երկու շահառուների համար բուժքույրը տնային պայմաններում կազմակերպել է լրացուցիչ արյան լաբորատոր հետազոտություններ, ինչպես նաև ապահովել է սրտաբանի տնային այց, որի ընթացքում իրականացվել է սրտի ուլտրաձայնային հետազոտություն՝ առողջական վիճակի դինամիկայի վերահսկման նպատակով:

Նշված աշխատանքներին զուգահեռ սոցիալական աշխատողը և բուժքույրը կազմակերպել են մեկ տարեց շահառուի ստացիոնար բուժումը Արմավիրի ԲԿ-

ում: Ստացիոնար բուժման ընթացքում համատեղ ջանքերով ապահովվել է նաև շահառուի սննդի տրամադրումը:

Ծրագրի շրջանակներում բուժքույրերը շարունակում են տեղամասային պոլիկլինիկայից անվճար ստանալ համապատասխան դեղորայք:

Կենցաղային աշխատողները իրականացնում են շահառուի անհատական պլանով նախատեսված այցելություններ, կատարում են կենցաղային սպասարկում՝ տան մաքրություն, գնումներ, սննդի պատրաստում և այլ գործողություններ՝ անհատական կարիքներին համապատասխան:

2.2 Խնդրում ենք նկարագրել ծրագրի առաջընթացն՝ ըստ սահմանված աշխատանքային պլանի (Գանտի աղյուսակ) և միջոցառումների , նշելով՝ Ձեր կողմից իրականացված գործողությունները և ստացված արդյունքները հաշվետու ժամանակահատվածի համար: Որքանով են նշված գործողությունները նպաստել տվյալ ծրագրի խնդիրների/նպատակի իրականացմանը:

Ծրագրային բոլոր գործողությունները հաշվետու ժամանակահատվածում իրականացվել են համաձայն աշխատանքային պլանի:

Հաշվետու ժամանակահատվածում իրականացվել են ծրագրային նախատեսված արդյունքները հետևյալ չափով.

- Ամսական 47 տարեց և հաշմանդամություն ունեցող անձանց տնային խնամքի ծառայությունների մատուցում,
- Սոցիալական ծառայության տրամադրում խնամքի կարիք ունեցող, կյանքի դժվարին իրավիճակում հայտնված՝ տարեց և/կամ հաշմանդամություն ունեցող 18 տարին լրացած անձանց:

Խնդրում ենք նշել հաշվետու ժամանակահատվածում մշակված նյութերի համացանցում տեղադրված հղումները՝ առկայության դեպքում (օրենսդրական առաջարկություններ, համառոտագրեր, հաշվետվություններ, մեդիա պրոդուկտներ և այլն)

--

2.3 Խնդրում ենք ներկայացնել հաշվետու ժամանակահատվածում քաղած դասերը և/կամ ծագած խնդիրները, որոնք խոչընդոտել են ծրագրի գործողությունների իրականացմանը:

Հաշվետու ժամանակահատվածում ծրագրի իրականացման խոչընդոտներ չեն գնահատվել:

2.4 Խնդրում ենք թվարկել հաջորդ հաշվետու ժամանակահատվածի համար նախատեսված գործողությունները (կցելով նաև շահառուների ցուցակը):

Շահառուների ցուցակը կցված է հաշվետվությանը:

- Ծառայությունների մատուցում խնամքի կարիք ունեցող, կյանքի դժվարին իրավիճակում հայտնված՝ տարեց և/կամ հաշմանդամություն ունեցող 18 տարին լրացած անձանց,
- Նոր շահառուների դեպքում՝ կարիքների գնահատում, անհատական սոցիալական ծրագրի կազմում, պայմանագրերի կնքում,
- Հոկտեմբերի 1-ին՝ տարեցների միջազգային օրվա կապակցությամբ միջոցառման կազմակերպում, հյուրասիրություն:

2.5 Խնդրում ենք նշել, Ձեր կողմից իրականացված այն գործողությունները, որոնք նախատեսված չեն եղել ծրագրի աշխատանքային պլանով, բայց իրականացվել են ծրագրի նպատակին հասնելու համար:

Ծրագրի շրջանակում համագործակցում ենք հովանավորների հետ, ովքեր մեր տարեցներին ծննդյան օրերին նվիրում են անվճար տորթեր, կտրում ու խնամում նրանց մազերը: Ունենք նաև հովանավորներ, ովքեր նվիրում են գեղեցիկ ծաղիկներ և հագուստ: